

"Қазақстан Республикасының кейбір заң актілеріне ішкі істер органдары қызметінің мәселелері бойынша өзгерістер мен толықтырулар енгізу және Қазақстан Республикасының кейбір заң актілерінің күші жойылды деп тану туралы" Қазақстан Республикасы Заңының жобасы туралы

Қазақстан Республикасы Үкіметінің 2004 жылғы 6 қаңтардағы N 3 қаулысы

Қазақстан Республикасының Үкіметі қаулы етеді:

"Қазақстан Республикасының кейбір заң актілеріне ішкі істер органдары қызметінің мәселелері бойынша өзгерістер мен толықтырулар енгізу және Қазақстан Республикасының кейбір заң актілерінің күші жойылды деп тану туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Қазақстан Республикасының Заңы Қазақстан Республикасының кейбір заң актілеріне ішкі істер органдары қызметінің мәселелері бойынша өзгерістер мен толықтырулар енгізу және Қазақстан Республикасының кейбір заң актілерінің күші жойылды деп тану туралы

1-бап. Қазақстан Республикасының мынадай заң актілеріне өзгерістер мен толықтырулар енгізілсін:

1. "Қазақстан Республикасы Ішкі істер министрлігінің ішкі әскерлері туралы" Қазақстан Республикасының 1992 жылғы 23 маусымдағы Заңына (Қазақстан Республикасы Жоғарғы Кеңесінің Жаршысы, 1992 ж., N 11-12, 290-құжат; N 24, 592-құжат; 1993 ж., N 8, 179-құжат; 1995 ж., N 1-2, 17-құжат; N 23, 155-құжат; Қазақстан Республикасы Парламентінің Жаршысы, 1997 ж., N 7, 79-құжат., N 12, 184-құжат; N 13-14, 205-құжат; 1998 ж., N 23, 416-құжат; N 24, 436-құжат; 1999 ж., N 8, 233, 247-құжаттар; 2001 ж., N 13-14, 174-құжат; N 20, 257-құжат; N 24, 336-құжат):

1) 4-баптың үшінші абзацында:

"облыстар ішкі істер басқармаларының" деген сөздер "облыстардағы, астанадағы, республикалық маңызы бар қаладағы ішкі істер департаменттерінің" деген сөздермен ауыстырылсын;

"тиісті облыстардың" деген сөздерден кейін ", астананың, республикалық маңызы

бар қаланың" деген сөздермен толықтырылсын;

2) 1 3 - б а п т а :

тақырыбы мен бірінші абзацы мынадай редакцияда жазылсын:

"13-бап. Облыстардағы, астанадағы, республикалық маңызы бар

қаладағы ішкі істер департаменттерінің бастықтары

Облыстардағы, астанадағы, республикалық маңызы бар қаладағы ішкі істер департаменттерінің бастықтары";

екінші абзацта "Ішкі әскерлер Қолбасшысының" деген сөздер "Ішкі істер министрінің" деген сөздермен ауыстырылсын;

3) 2 7 - б а п т а :

"ішкі істер басқармаларының бастықтары" деген сөздер "облыстардағы, астанадағы, республикалық маңызы бар қаладағы ішкі істер департаменттерінің бастықтары" деген сөздермен ауыстырылсын;

"Ішкі әскерлер Қолбасшысының" деген сөздер "Ішкі істер министрінің" деген сөздермен ауыстырылсын.

2. Қазақстан Республикасы Президентінің "Қазақстан Республикасының ішкі істер органдары туралы" 1995 жылғы 21 желтоқсандағы N 2707 Заң күші бар Жарлығына (Қазақстан Республикасы Жоғарғы Кеңесінің Жаршысы, 1995 ж., N 23, 154-құжат; Қазақстан Республикасы Парламентінің Жаршысы, 1997 ж., N 7, 79-құжат; N 12, 184-құжат; 1998 ж., N 17-18, 225-құжат; N 23, 416-құжат; N 24, 436-құжат; 1999 ж., N 8, 233, 247-құжаттар; N 23, 920-құжат; 2000 ж., N 3-4, 66-құжат; 2001 ж., N 13-14, 174-құжат; N 17-18, 245-құжат; N 20, 257-құжат; N 23, 309-құжат; 2002 ж., N 17, 155-құжат; 2003 ж., N 12, 82 - құжат) :

1) тақырыбы және кіріспе сөзбасы мынадай редакцияда жазылсын:

"Қазақстан Республикасының ішкі істер органдары туралы" Қазақстан Республикасының Заңы

Осы Заң Қазақстан Республикасы ішкі істер органдарының мәртебесін, өкілеттігін және қызметін ұйымдастыруды белгілейді.";

2) барлық мәтін бойынша "Жарлық", "Жарлықпен", "Жарлықтың", "Жарлыққа" деген сөздер тиісінше "Заң", "Заңмен" "Заңның", "Заңға" деген сөздермен ауыстырылсын;

3) тараулардың нөмірленуі араб цифрларымен ауыстырылсын;

4) 4-баптың бірінші абзацында "басқармалары" деген сөз "департаменттері" деген сөзбен ауыстырылсын;

5) 4 - 3 б а п т а :

екінші абзацтағы "гарнизон бойынша" деген сөздер алып тасталсын;

төртінші абзацтағы ", оларды пайдалану мен ұстау шығындарын да солар көтереді" деген сөздер алып тасталсын;

6) 5-баптың 2-тармағындағы екінші абзацта "басқармаларының" деген сөз " департаменттерінің" деген сөзбен ауыстырылсын;

7) 7-баптың 2-тармағындағы "басқармаларының" деген сөздері "департаменттерінің" деген сөздермен ауыстырылсын;

8) 10-баптың 1-тармағынның 27) тармақшасы ", оның ішінде төтенше жағдайлар кезінде" деген сөздермен толықтырылсын;

9) 11-баптың 1-тармақтағы:

33) тармақша мынадай редакцияда жазылсын:

"33) заңды тұлғаларға Үкімет белгілеген тізбелер бойынша түрлі-түсті бейнедегі көбейту-көшіру техникасын, жарылғыш, күшті әсер ететін улы заттарды сатып алуға, сақтауға, тасымалдауға, әкелуге, әкетуге; азаматтық және қызметтік қару мен оның патрондарын, азаматтық пиротехникалық заттарды және оларды пайдалану арқылы жасалған бұйымдарды сақтауға, тасымалдауға, әкелуге, әкетуге; есірткі құралдарының, психотроптық заттар мен прекурсорлардың айналымы саласында объектілерді және үй-жайларды пайдалануға, атыс тирлері мен стендтерін ашуға, ал жеке тұлғаларға - азаматтық қару мен оның патрондарын сатып алуға, сақтауға, сақтау мен алып жүруге, әкелуге, әкетуге рұқсат беруге;

азаматтық пиротехникалық заттарды және оларды пайдалану арқылы жасалған бұйымдарды сақтаудың, есепке алудың, пайдаланудың, тасымалдаудың, жоюдың, әкелудің, әкетудің ережелерін белгілеуге;"

33-3) тармақшадағы ", санитарлық нормалар мен ережелерді" деген сөздер алып тасталсын;

33-4) тармақша алып тасталсын;

10) 17-баптың 1-тармақтағы:

5) тармақшасы "бұзуына" деген сөзден кейін "не болмаса мерзімі өтуіне" деген сөздермен толықтырылсын;

9) тармақша мынадай редакцияда жазылсын:

"9) әскери-қызмет тәртібін өрескел бұзғаны үшін;"

11) мынадай мазмұндағы 17-1-баппен толықтырылсын:

"17-1-бап. Қызметті өткеруден бас тартуға байланысты шығындардың орнын толтыру

1. Әскери қызметші, қызметкер оқу орнын бітіргеннен кейін ішкі істер органдарында қызмет өткеруден бас тартқан немесе өзінің қалауы бойынша келісім-шартты бұзған жағдайда ол стипендия төлеуге, оқу кезеңінде тамақтануға және мүліктік үлеске жұмсалған бюджеттік қаражатты мемлекетке қайтаруға міндетті. Ұстауға жататын сома келісім-шарттың мерзімі аяқталғанға дейін әрбір толық өткерілмеген айға теңбе-тең есептеледі.

2. Әскерге шақыру жасына толған және үлгермеуі, тәртіпсіздігі үшін, сондай-ақ өз қалауы бойынша оқудан шығарылған Ішкі істер министрлігінің оқу орындарының

курсанттары (тыңдаушылары), егер де олар оқу орнына түскенге дейін мерзімді әскери қызметтің белгіленген мерзімін өткермеген болса, арнайы есептен шығару үшін тұрғылықты жеріндегі әскери басқарманың жергілікті органдарына жіберіледі. Олар стипендия төлеуге, оқу кезеңінде тамақтануға және мүліктік үлеске жұмсалған бюджеттік қаражатты мемлекетке қайтаруға міндетті. Ұстауға жататын сома оқу орнында болудың әрбір толық айына теңбе-тең есептеледі.

12) 19-бап мынадай мазмұндағы абзацпен толықтырылсын:

"Ішкі істер органдарының қызметкерлері Қазақстан Республикасының Үкіметі белгілеген тәртіппен ішкі істер органдарының кадрларында қалдырыла отырып, мемлекеттік органдарға және халықаралық ұйымдарға қызметке жіберілуі мүмкін.";

1 3) 2 0 - б а п т а :

1-тармақ мынадай мазмұндағы абзацпен толықтырылсын:

"Ішкі істер органдарындағы қызмет - Қазақстан Республикасы азаматтарының мемлекет және Қазақстан халқы алдындағы қызметтік міндеттері мен қызметтік борышын атқарумен байланысты болатын мемлекеттік қызметтің айрықша түрі.";

2-тармақтың екінші сөйлемі алып тасталсын;

мынадай мазмұндағы 2-1-тармақпен толықтырылсын:

"2-1. Ішкі істер органдарында қатардағы және басшы құрамдағы адамдарға мынадай арнаулы атақтар белгіленеді:

1) қ а т а р д а ғ ы қ ұ р а м :
полицияның қатардағы қызметкері;

2) к і ш і б а с ш ы қ ұ р а м :

полиция кіші сержанты;

полиция сержанты;

полиция аға сержанты;

полиция старшинасы;

3) о р т а б а с ш ы қ ұ р а м :

полиция кіші лейтенанты;

полиция лейтенанты;

полиция аға лейтенанты;

полиция капитаны;

4) а ғ а б а с ш ы қ ұ р а м :

полиция майоры;

полиция подполковнигі;

полиция полковнигі;

5) ж о ғ а р ы б а с ш ы қ ұ р а м :

полиция генерал-майоры;

полиция генерал-лейтенанты.

Жоғары басшы құрамның арнаулы атақтарын Ішкі істер министрдің ұсынысы

бойынша Қазақстан Республикасының Президенті тағайындайды.

Кіші, орта, аға басшы құрамға арнаулы атақ беру және айыру тәртібі Қазақстан Республикасының Үкіметі бекітетін ішкі істер органдарының қатардағы және басшы құрамдағы адамдарының қызмет өткеруі туралы ережемен белгіленеді.

Жоғары басшы құрамды арнаулы атағынан айыру Қазақстан Республикасының заңнамасына сәйкес жүзеге асырылады.";

4-тармақтың бірінші абзацындағы "осы Жарлыққа және" деген сөздерден кейін ", сондай-ақ, Қазақстан Республикасының Үкіметі бекітетін Жарғыларға" деген сөздер мен толықтырылсын;

14) мынадай мазмұндағы 23-1-баппен толықтырылсын:
"23-1-бап. Ішкі істер органдарының қызметкерлеріне қолданылатын көтермелеулер

Қызметтік міндеттерін үлгілі орындағаны және қызметте қол жеткізген жоғары нәтижелері үшін ішкі істер органдарының қызметкерлеріне көтермелеулердің мынадай түрлері белгіленеді:

1) бағалы сыйлықпен немесе органның (мекеменің) сметасының мазмұнына сәйкес көрсетілген, экономикалық қаражаты есебінен ақшалай сыйақымен марапаттау;

2) алғыс жариялау;

3) кезекті арнаулы атақты мерзімінен бұрын беру;

4) Қазақстан Республикасының заңнамасында көзделген өзге де көтермелеу түрлері;

15) мынадай мазмұндағы 24-1-баппен толықтырылсын:

"24-1-бап Ішкі істер органдарының қызметкерлеріне қолданылатын жазалаулар

1. Ішкі істер органдарының қызметкерлеріне мынадай тәртіптік жазалаулар қолданылуы мүмкін:

1) ескерту;

2) сөгіс;

3) қатаң сөгіс;

4) толық емес қызметтік сәйкестігі туралы ескерту;

5) омырау белгіден айыру;

6) атқаратын лауазымынан босату;

7) арнаулы атағын бір саты төмендету;

8) ішкі істер органдарынан босату.

2. Ішкі істер органдарының қызметкерлеріне қолданылатын тәртіптік жаза, теріс қылық анықталған күннен бастап бір айдан кешіктірілмей қолданылады және теріс қылық жасалған күннен бастап алты айдан кейін қолданылуы мүмкін емес.";

16) 26-бапта 6-тармақтың бірінші абзацындағы ", жұмысшылар мен қызметшілерден басқасының" деген сөздер алып тасталсын;

17) 27-бап мынадай мазмұндағы 3-1-тармақпен толықтырылсын:

"3-1. Қызметкерлерге кезекті, қысқа мерзімді, қосымша демалыстар, науқастануына байланысты, жүкті болуы және тууына байланысты демалыстар уақытында демалысын өткізу орнына баратын және кері қайтатын жолға берілетін уақытты қоса алғанда ақшалай үлес негізгі (уақытша атқарылатын емес) атқаратын лауазымы бойынша еңбек демалысына кеткен күніне алатын көлемде төленеді.";

18) 28-бабы мынадай мазмұндағы 8-тармақпен толықтырылсын:

"8. Қызметтік міндеттерін атқару кезінде қаза тапқан қызметкердің балаларына олар кәмелеттік жасқа толғанға дейін ведомстволық денсаулық сақтау мекемелеріндегі медициналық және санаторлық-курорттық қызмет көрсетулерге құқықтары сақталады."

2-бап. Қазақстан Республикасының мынадай заң актілерінің күші жойылды деп т а н ы л с ы н :

1) "Ішкі істер органдарының қатардағы және басшы құрамының арнаулы атақтары туралы" 1992 жылғы 18 қаңтардағы Қазақстан Республикасының Заңы (Қазақстан Республикасы Жоғарғы Кеңесінің Жаршысы, 1992 ж., N 6, 122-құжат; N 18, 443-құжат; 1993 ж., N 17, 420-құжат; Қазақстан Республикасы Парламентінің Жаршысы, 1996 ж., N 2, 185-құжат; 1998 ж., N 23, 416-құжат);

2) "Қазақстан Республикасының ішкі істер органдарының қатардағы және басшы құрамы антының мәтінін бекіту туралы" 1992 жылғы 18 қаңтардағы Қазақстан Республикасы Жоғарғы Кеңесінің Қаулысы (Қазақстан Республикасы Жоғарғы Кеңесінің Жаршысы, 1992 ж., N 6, 121-құжат).

Қ а з а қ с т а н Р е с п у б л и к а с ы н ы ң

Президенті